

23. maj 2017

Qanoq qimmit qimuttut ikiliartuinnarnerat mumisinneqarsinnaanersoq qanorlu qimussertarnerup nukittorsarneqarsinnaanera pillugu apeqquteqaat aallaavingalugu oqallisissiasatut siunnersuut.

(Inatsisartunut ilaasortaq Villy Olsvig, Inuit Ataqtigiit)

Qimmit qimuttut ikiliartuinnarnerat mumisinniarlugu Inatsisartunut ilaasortap Villy Olsvig Inuit ataqtigiinnit apeqquteqaat aallaavingalugu oqallisissiaq siunnersuutaa Siumumit imaattumik oqaaseqarfigissuarput.

Qimmit qimuttut ukiuni tusintilikkaani Nunatsinni Inunnit uumasuutaasimapput maattussutsimikkut issittumi uomasuutinit maangamut nallerneqarsimangittut, kiisalu Nunatta inoqartuaannarnerannut tungavileeqataasimasut nalunngilarput, taamaattumik amerliartortinneqarnissaanut suut aqquataasinnaanersut misissuinissamut oqalliseqataanissatsinnut Siumumit taakkartorsinnaasavut makuupput.

Ikiliartornerannullu peqqutaasut arlariit tikkuarneqarsinnaasorinarput ukuusut: sikuusartooq annikilliarporpoq, taassumallu saniatigut aamma inuussutissarsiornikkut naleqqussarnermi qamutit motorillit atungaalernerisigut qimminik qimuttunik pisariaqartsitsineq annikilleriarujussuarsimavoq, taamatullu naleqqussarsimasut oqarfigineqaannarsinnaangillat qimminik qimuttunik atueqqileq-qullugit.

Qimminik qimuttunik uomasuuteqarfiusumi qamutunik motorilinnik piniarnermi atuneq isumassar-siatsialaangilaq, uomasunillu nujuartanik piujuaannartsitsineq aallaaviussappat tulluanguilluin-narluni, tassami piffissami sivisunngitsumi nunarujussuaq angallavigineqarsinnaammat peqassu-serlu innarlerneqarsinnaalluni, tamassumallu nalilersuiffigineqarnissaa pisariaqarpoq.

Nunatsinni qimminik qimuttunik uomasuuteqartut qiviassagaanni ukiunut sikuulluarterneranut sani-lliikkaanni piniartut aalisartullu amerlanerusarnikuusut massakkut aamma atorfillit qujanartumik amerliartulersimapput, ikiliartornerannullu killiliisimaarinnegataalersimallutik, amerliartornissaallu aqutissiuunneqassappat qimminut atortussarsiutit taamatullu nerukkaatissarsiutit akileraartar-nikkut ilangaataasalersinnaanerat saneqqunneqarsinnaangilaq.

Qimmit qimuttut peqqissuussappata paarilluarneqarnissaat pingaarutilerujussuuvoq, aammalu nerukkaatissat pisiarinnartassagaanni akikittuinnaangillat, taamaattumik piginnittunut oqilisaas-
sisoqassappat aningaasartuutit uumasuuteqartunut tamanut atuutsinneqarnissaat ilanngullugu
misissorneqartariaqarpoq.

Ilaatigullu oqallisissiamik qaqitsisup tikitaa qaangiinaruminaappoq, meeqqat atuarfianni qimusser-
tarnarup kulturitsinnut ilaalluinnarnerata qaammarsaassutigineqartariaqarnera soqutinginaatileru-
jussuusoq oqaatigisariaqarpoq, ilanngullugulu qanoq qimmip paarilluarneqarneqarnissaata
pingaartiginerata ilinniartsitsissutigineqarnissaa.

Naggataatigullu minittariaqarsorinanngittoq una ilannguttariaqarpoq, qimuttunik pingisaqarneq
inummut piginnittumut nukissamik nassuiaruminaattumik annertuumik tunisisarmat, pinngortitar-
suarmi nipaalluinnartumi mingueqisumilu ingerlaarneq angalanernut allanut sanillersuunneqarsin-
naanngimmat, Siumumiillu Villy Olsvig qutsavingaarput oqallisissiamik taama ittumik qaqitsisimam-
mat.

Nikolaj Jeremiassen

Siumut.